


DEN AMBIENTE



"ECLIPSE" THE PEOPLES CHOICE

E grupo aki antes "Boys next door" di "Chocolate City", awor den nan formacion nobo bao di e nomber Eclipse, a "tight" nan mes duro y a baha pisa pisa den nan estilo diferente e aña aki pa temporada di carnaval. E banda aki semper durante parada ta gana simpatia di e publico pa nan estilo unico di trece nan roadmarchnan.

E grupo aki a wordo funda na aña 1985 pa e talentoso pianista arreglista compositor Antoni Gario. For di e banda aki a nace e formidable cantante Tattoo, cu a caba di marca historia como e prome cantante cu a gana tres corona, y cu actualmente ta formando parti pa Musical Time.

Tempo nan tabata bao di e nomber "Boys nextdoor", nan a sabi di trece diferente roadmarchnan campeon y cu algun di nan a yega di sali roadjam di aña e.o. Theolinda, Firewater, Lola, Molina, Feel up jam, Duck, jumbi Jam, y actualmente nan tin e roadmarch hopi gusta y comenta cu ta un di favoritonan pa ta e roadjam di e aña aki, cu ta "TIGHTER", canta pa Rusty.

Tambe e cantica promocional "Soca Parti" canta pa Inky ta hopi bon solicitada na radio emisoranan. Despues di algun cambio di integrantenan awor Eclipse ta consisti di Buffalino Burke (drummer), Pachi Britton (trombone), Rusty Sprott (cantante), Antoni Gario (keyboard), Giovanni Nicolaas (keyboard), Roy Nicholson (bass), Elmer Themen (guitar), Dennis Bisslik (trompet), Juni Halley (trombone), Iliana Halley (sax), Inky Richardson (cantante), Eddie Conner (steelpan).

Tur e canticanan a wordo compone y arregla pa Antoni Gario. E banda su direccion

pa futuro lo ta uno completamente diferente di e bandanan local. Tanto e ritmo cu lo domina e canticanan como e manera di presenta "Wicked and Wild", lo distingui e banda den su futuro presentacionnan.

E "roots" di banda lo ta e ritmo di cadance y soca mientras cu e preferencia pa

canticanan na ingles lo prevalece haciendo e presentacionnan mas bien internacional enbes di Caribense. Despues di Carnaval pueblo por bay goza di nan otro cantica "Rosie" cu tambe ta priminti di bay dal duro.

Durante tanto lighting parade, carnaval di mucha na San Nicolaas y Playa y tambe

na Sta. Cruz, Eclipse a "tight" e enorme publico cu tabata engrande fuertemente tras di nan, y ya por bisa caba cu e publico mes a "choice-nan" pa nan ta e favoritonan pa bay cu e roadjam di aña.

Tambe loke a cay na agrado cerca mayoria di hende ta nan repertorio varia cu socanan

inmortal manera "Soca Babtist" "Etienne" etc. Awor ta sinta warda kico nan ta bay haci durante Jouvertmorning, y e dos paradanan grandi, cu lo bay dicidi si ta nan lo bay ta e banda of e roadjam di aña.

Nan a laga sa cu nan ta bin cu cabuayan largisimo pa "tight" tur hende for di jouvertmorning na "chocolate city" te na final di parada grandi na playa. DEN AMBIENTE tambe ta bin cu su cabuya pa "TIGHT" e reynanan, y jump den un tempo suave riba e ritmonan picante di "ECLIPSE".



E bebida
yen di energia
pa grandi
y chiquito



Agente:
LICORES ARUBA N.V.

